

Alfred Völkel

Naila:

Heeflich bis zeledzd

Wennsda maansd
Bärgng senn nid schee
säi ich Rädiesla nei en Gardn

Wennsda maansd
mei Audo machd zevejl Grach und Geschdoongg
nimm ich ess Fahrraad odder dou laafm

Wennsda maansd
mei Kanariavuuchl is ze gäil
schdreich ich na weiß oo

Wennsda maansd
mei Haus nimmder die Sunna wägg
reiß ich en Gejbl ei

Wennsda maansd
deina Meis kenndn derschreggng
schlachd ich mei Kadz

Wennsda maansd
mei Bauch is ze digg
schloo ich die Zeh nei die Wend und dou fasdn

Wennsda maansd
die Äern is ze hard gefraoern
ward ich nuch e wing midn Schdärm